

ՈՐՈՇՈՒՄ

Ճանապարհային ոստիկանության վարչական տույժ նշանակելու մասին թիվ 2010955543 և 2010979209 որոշումներն անփոփոխ, իսկ վարչական բողոքն առանց բավարարման թողնելու մասին

<<23>> 04 2020թ. 7-13 - 4738

ք. Երևան

Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Գարեգին Մանուկյանի թիվ ՄՂ/19636-20 դիմումի քննարկման արդյունքում ստեղծված նյութերը՝

ՊԱՐԶԵՑԻ

Երևան քաղաքի Նանսենի փողոց 21/2 շենքի 21 բնակարանի բնակիչ Գարեգին Մանուկյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2010955543 և 2010979209 որոշումները և վճարել միայն մեկով նշանակված տուգանքի գումարը, չնշելով որն է փաստական հանգամանք:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հաղվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

Երևան քաղաքի Բաղրամյան-Երզնկյան-Վ. Համբարձումյան փողոցների խաչմերուկի հատվածում առկա է 5.15.1՝ <<Երթևեկության ուղղությունները գոտիներով>> Ճանապարհային նշանը, ըստ որի՝ երրորդ երթևեկելի գոտուց թույլատրվում է երթևեկել ուղիղ և կատարել հետադարձ, ինչի պարագայում՝ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման համաձայն՝ ձախ շրջադարձն արգելվում է:

Վիճարկվող որոշումների հիմքում դրված տեսանյութերը փաստում ինչպես 5.15.1՝ <<Երթևեկության ուղղությունները գոտիներով>> Ճանապարհային նշանի առկայությունը, այնպես էլ այն, որ դիմումատուին պատկանող տրանսպորտային միջոցը վերը նշված փողոցների խաչմերուկի հատվածում 5.15.1՝ <<Երթևեկության ուղղությունները գոտիներով>> Ճանապարհային նշանի ազդման գոտում կատարել է դեպի ձախ շրջադարձեր: Դրանք երկու տարբեր վարչական իրավախախտումներ են, իսկ Վարչական իրավախախտումների վերաբերյալ ՀՀ օրենսգրքի 35-րդ հոդվածով նախատեսված է, որ

մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին, հետևաբար դրանք ենթակա են կատարման առանձին-առանձին:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 35-րդ հոդվածով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2010955543 և 2010979209 որոշումները թողնել անփոփոխ, իսկ վարչական բողոքն առանց քավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Գաբեգին Մանուկյանին:



Ե. Կարապետյան